

重修洪邑



志乘卽史體也朝有一統志省  
有通志郡有合志下至一州一  
邑亦各有志凡山川之形勝疆  
域之由來戶口賦役之增除官  
制典禮之沿革以及良吏各臣  
潛德懿行之可思可法者莫不

洪洞縣志

畢載於之節可以通達治體  
可以景行前徽非細故也洪邑  
爲山右名區山水鍾靈英賢代  
出士厚民淳化行俗美依然陶  
唐氏之遺風焉昔有志乘修自  
先明嘉靖年間關中王公肇爲  
一書迨前高公續修之

又前令繁昌

即姚邵公復

續修之亦極紀載之詳脩矣然  
迄今五十餘年山川疆域雖復  
如故而戶口日增賦役日度官  
制典禮視前益盛芳良吏名臣  
潛德懿行數十年之繼踵而起  
者更不計勝數倘徒仍其舊不

特載百遺千爲一邑之缺典亦  
無以資治術之原委也余履任  
之初覩其歷久遺焉輒欲重加  
修輯願以簿書黜以學未暇及此  
已酉秋奉  
部檄取各省屬志乘彙送核纂  
以成我

朝一統志典至重也。徵至正擬作  
編輯計而侍從劉公南止適  
給假旋里公晤之餘力成其事夫  
奉檄纂修有司之責也。况重之  
以鄉先生好義急人。修之烏容  
已已爰延邑中紳士高明者八  
人而余分業蔡夫子適從閩中

來夫子固博洽君子也。於是設  
局於慎交書院取舊志另加增  
輯沿者因之革者有之遺且缺  
者悉增之補之凡所登於篇冊  
者無徇名無作姦無溢美厲詞  
務期核實從公信今而傳後自  
庚戌孟夏起迄本年季冬止歷

八月而告竣而洪邑之偉人盛  
事舉數十年來所遺缺弗彰者  
煌然足永千古此固諸君子校  
讐編輯之功而實劉公仔肩之  
績也余下吏亦得以藉手告成  
仰荅

聖天子廣攬輿圖昭示一統之至意  
洪洞縣志  
四  
矣雖未敢與王喬趙邵諸公先  
後韻頌要亦諸公之所樂爲之  
後者歟是爲序



昔

大清雍正八年歲在庚戌季冬  
月之中浣

賜進士出身文林郎知洪洞縣事隨

帶軍功紀錄四次楚金湖余世

堂謹識



洪洞縣志

五

序

當今皇帝建中和之極弘位育之  
功禮明樂備制度聿昭道一  
風同之盛於今為極孰矣尤  
謂經國之大莫重於文獻而  
志者固一邑之文獻也哉

朝纂脩統志兩經編次自康熙十

洪洞縣志

序

劉一

二年以迄於今又幾垂六十  
載其間前後異時今昔異宜  
不能無此盈彼縮名仍實異  
之殊爰

詔直省內外各為脩舉大哉

王言誠萬世不易之弘謨也竊思  
志為言識賢者識其大不賢

識其小累聞積見彙以成編  
彼友與圖疆域形勝之類則  
固有前志可稽善於田賦之  
增減官司之更代人物之興  
替以及科名戶口之漸增必  
大費詳酌而後成之是其事  
減繁而其任減重也茲邑

侯楚南奄齊余公來牧是邦  
鴻才小試下車以來利興弊  
革惠政風行邦之人士心悅  
而身德者莫不章吾邑之有  
福星今承理是事毅然備明  
力期不朽之務更延邑內博  
雅宏道之士各讎校校闕者

補之畧者詳之總美者輯續  
而揚之求其正必確而可  
據存其樸必實而可傳因乎  
舊而不病其繁續乎新而不  
蝕其創以故山川之真崖爍  
如其碁布也人物之出豪朗  
如其指掌也財賦之會計戶

口之規則莫不可燭照而數  
計也噫文獻之備於斯為極  
矣夫莫為之前雖美而不彰  
莫為之後雖盛而不傳或邑  
靈鍾秀毓代不乏人自有大  
君子以為之操衡秉鑒更得  
諸文學克襄厥美辱在樾陰

光旋何極且知後之人景仰  
前徽追踪盛事某也忠某也  
孝某也節某也義固慶  
國家久道化感之盛而六莫不  
矚目而指之曰是曾經某老  
先生之所論定而表揚者也  
均之不朽矣爰不揣鄙陋以

為之序時

雍正辛亥仲春吉旦

中憲大夫都察院僉理山東  
道事山西道監察御史加三  
級邑人劉勣撰



洪洞縣志

重修姓氏

總裁

余世堂

字龜齋湖廣武昌府大冶縣人癸卯科進士洪洞縣知縣

同訂

蔡行仁

字子元福建延平人廩貢候選訓導

校閱

李上升

字大府大同府人歲貢臨汾縣儒學訓導署洪洞縣教諭

牛維垣

字向紫沁州人歲貢洪洞縣訓導

洪洞縣志

重修姓氏

朱泮

字宮先直隸通州三河縣人吏員洪洞縣典史

劉致義

字召豐浙江山陰縣人吏員洪洞縣普濟驛承

參訂

劉袞

字仲補邑原任工部營繕司以外候補倉事道

劉勳

字思贊邑現任協理山東道事山西道監察御史

劉常

字衣三邑候補倉事道

劉衷

字丹誠邑附貢

纂修

董維

字仲四邑甲午科舉人揀選知縣

韓雲龍

字健金邑巳酉科亞元

范凝鼎

字正位邑癸卯拔貢候選教諭

郭仰汾

字佩儀邑丙午科副榜候選教諭

董勗

字力存邑丙申歲貢候選訓導

韓弘壽

字介翁邑附貢生

張為箴

字子永邑廩生

晉履慤

字誠中邑附生

洪洞縣志

重修懋氏

洪洞縣志舊序

邑侯栗山王先生諱業撰

洪洞隸堯封屬冀州當實沈之次背霍面澗箕山東峙汾水西遶山川形勝艸木天喬甲諸三晉固一方之雄也人生於斯者如臯陶之明刑弼教師曠之諫本仁義郅中郎之直諫面折孫郎中之遇賊代母韓忠定之搏擊權奸衛太守之清苦一節李司知之若城庇民許御史之臺望老成宦於斯者如叔向之禮信爲國李周之築堤防水劉徽柔之廉明第一王或之查免租稅浦竹

洪洞縣志

舊序

塘之抗章力諍時雖有先後位雖有崇卑德雖有大小要之皆能昌明聖教裨益皇風以各鳴一代之盛者也子貢所謂文武之道未墜於地在人賢者識其大者不賢者識其小者莫不有文武之道焉地靈人傑物采咸備猗與休哉獨邑誌久爲缺典庚戌予叨領邑務即有志斯舉適見對霍李公舊所爲抄本欲授諸梓而未之逮也越三禩廢墜舉官少事乃禮延鄉俊龔翰館於玉峰道院再加修飾裒纂益簡循名核實彙成一家之言精緻明暢蔚然可觀越月而帙成當刊以傳之四方竊

惟日月星辰天之誌也山川州木地之誌也興章禮樂  
人之誌也仰不觀象於天何以上律俯不察法於地何  
以下襲中不效法於人何以成化是故星有定列野有  
定分天道備矣山川真表疆域土產地道備矣彰善瘴  
惡樹之風聲人道備矣然則是誌也固天文地理人事  
之紀也嗚呼三才備吾道其昌乎關係豈小小哉是故  
生於斯也崇德修行砥名礪節宦於斯也敦本尚實濟  
民利物上求不負國家作育之盛典下求不孤生民仰  
賴之素心昌大休明洪濶遠到以共衛斯道於不墜仰

洪洞縣志

舊序

二

惟前哲人是若慎毋曰古今人不相及則作誌者亦與

光焉

嘉靖三十三年

太僕卿北野韓先生諱廷偉撰

平陽爲堯都故區山川景物之粹習尚文華之美他郡  
鮮及固晉之雄也其屬多名邑洪洞後霍前澗左箕右  
汾清泉沃壤四匝交環又平陽之雄也俗崇勤儉民敦  
義信賦供效先役庸不墮至其人才之出踵接彬彬自  
蒲之外無厚讓焉舊有志以紀其勝歲久毀殘至今爲  
缺事西蒲粟山王公來尹是邑政修之暇慨然有志斯  
舉禮延邑之鄉大夫學之主師彥士會而領事稽諸往  
牒參諸群議缺者補之繁者刪之俚者飾之費者裁之

洪洞縣志

舊序

三

文質事核綱舉目張簡而不虛詳而有體是編成則山  
川之秀物產之良人才之盛風俗之美文章之傑題詠  
之佳與夫賦供多寡之因戶口登耗之跡開覽無遺文  
獻足徵千百載之有賴也夫志者紀也事必有紀而後  
可考昔容齋之筆以紀一邑堅夷之志以紀僻說况一  
邑所關之大而可以無志也哉斯舉也誠出宰之首務  
而有司之良蹟也粟山公之功豈淺淺哉余邑之鄙人  
也旣同衆以叨纂述復承委以序編端江漢之洪亦竊  
有餘潤矣粟山公惠在斯民聲存輿論此則其大也敢

借書以附志

明嘉靖二十三年

洪洞縣志

舊序

四

河南布政司叅政白石劉先生諱廷臣撰

余往負尚友之志嘗憾邑無誌鄉士猶弗盡知無從論其世也及仕欲脩之屢有兵民之寄弗遑今年轉官撫民汴南省歸值邑侯王君脩政之暇屬余與二三者舊諸時彥及學博宋君議脩之乃因其舊本叅諸輿論刪繁摭實略有次第余廼南發閱月始竣編旣就禮樂名物山川土田秩然具備而人生其間前有臯陶氏後有韓忠定公誠足爲余邑重也孟子曰由堯舜至於湯五百有餘歲若禹臯陶則見而知之若湯則聞而知之我

洪洞縣志

舊序

五

朝劉晦菴公曰國家養士百五十年只養得韓貫道者是臯陶生於前以開後五百年作聖之期忠定公生於斯以際前百五十年養士之效也猶與盈矣是地霍嶽屏峙於東北逶迤起伏接於玉峰左九箕右汾水山川秀麗草木茂盛隸平陽又唐堯故都蓋稷翼產玉鈎荖出珠敦郊遊麟元鬯舞鳳言各繫其地也豈聖哲之生而徒也哉雖然聞地以人重矣未聞人不足稱稱其地者也故有德重鄉閭忠表朝著功垂寰宇慶衍苗裔以宣徽而摠美則人述之曰某又某地出焉否則爲豔氣

爲羸習爲浮行斯虛鄙矣將夷跖同歸正淑蒙治容之  
侮也可不深懼乎故曰地以人重方今堯舜在上道法  
並隆余邑仕者如明允作士種德懷民謨明弼諧俾其  
君成從欲之治則見而知之者當與臯陶氏埒以俟聞  
知於方來則國家百五十年始養成韓公時龐洽漸摩  
淪浹聖化又四十餘年於茲矣願與凝鏡養浩以修弘  
大君子勿令忠定公專美於前也是則重其地矣使後  
之採風集史者求其人於臯韓之外此誌益有光也惟

余邑其勗之

嘉靖三十三年